

Please prepare a good literary translation of the entire passage in the time allowed.
Use of a dictionary is permitted. Choose one of the two passages.

Time allowed: 2 Hours

PASSAGE I

Secundatur et aliud nobile factum memoria dignum, relatione conspicuum, auctoritate prædicandum. Peracto siquidem magna ex parte opere et compactis novi et antiqui ædificii tabulatis, magnoque deposito quem diu habueramus timore propter illas patulas antiquarum maceriarum rimas, magnorum capitellorum et basium columnas deportantium disruptionem exhilarati deaptare sollicitabamur. Cumque pro trabium inventione tam nostros quam Parisienses lignorum artifices consuluissemus, responsum nobis est pro eorum existimatione verum, in finibus istis propter silvarum inopiam minime inveniri posse, vel ab Autissiodorensi pago necessario devehi oportere. Cumque omnes in hoc ipso consonarent, nosque super hoc tam pro laboris magnitudine quam pro operis longa delatione gravaremur, nocte quadam, a matutinarum obsequio regressus, lecto cogitare cœpi meipsum per omnes partium istarum silvas debere procedere, circumquaque perlustrare, moras istas et labores, si hic inveniri possent, alleviare. Moxque rejectis curis aliis, summo mane arripiens, cum carpentariis et trabium mensuris ad silvam quæ dicitur Ivilina acceleravimus. Cumque per terram nostram Capreolensis vallis transiremus, accitis servientibus nostris nostrarum [222] custodibus et aliarum silvarum peritis, adjurando fide et sacramento eos consuluimus, si ejus mensuræ ibidem trabes invenire quocumque labore valeremus. Qui subridentes, si auderent, potius deriderent; admirantes si nos plane nesciremus in tota terra nihil tale inveniri posse, maxime cum Milo Capreolensis castellanus homo noster, qui medietatem silvæ a nobis cum alio feodo habet, cum sustinuissest tam a domino rege quam ab Amalrico de Monte Forti longo tempore gueras, ad tristegas et propugnacula facienda nihil tale illibatum vel intactum præteriisset. Nos autem quicquid dicebant respuentes quadam fidei nostræ audacia silvam perlustrare cœpimus, et versus quidem primam horam trabem unam mensuræ sufficientem invenimus. Quid ultra? usque ad nonam aut citius per fruteta, per opacitatem silvarum, per densitatem spinarum, duodecim trabes (tot enim necessariæ erant) in admirationem omnium, præsertim circumstantium, assignavimus et ad basilicam sanctam deportatas cum exultatione novi operis operturæ superponi fecimus, ad laudem et gloriam Domini Jesu, qui sibi sanctisque Martyribus, a manibus raptorum protegens, sicut facere voluit, reservaverat.

PASSAGE II

Extetit igitur in his diebus apud urbem Parisiacam mulier, que dicerit incolis: "Fugite, O! ab urbe et scitote eam incendio concremandam." Que cum a multis iridetur quod hec aut sorcum pracsagio dicerit, aut qualqua somniasset, aut certe demonii meridiani hec instinctu proferret, respondit: "Nequaquam est ita ut dicitis, nam in veritate loquor, quia vidi per somnium ad basilica sancti Vincenti veniente virum inluminatum, tenente manum caecum et domus necutiantum ex ordine succendentem." Denique post terciam noctem quod hec mulier est effata, inchoante crepuscolo, quidam e civibus, accensu lumine, in promptuarij est ingressus, adsumptoque oculo hac ceteris que necessaria erant, abscessit, lumine secus cupella olei derelicto. Erat enim domus hec prima securus portam, que ad medianam diem pandit egressum. Ex quo lumine adprehensa domus incendio concrematur, de qua et alia adprachendi ceperunt. Tunc cruentate igne super vinctus carceres, aparuit eis beatus Germanus, et cumminuens trabeam atque catenis quibus vincti tenebantur, reserato carceres osteo, vinctus habire permisit incolomis. Ille vero egressi, se ad basilicam sancti Vincenti, in qua sepulchrum habet beati antestitis, contulerunt.

Igitur cum per totam civitatem, huc adque illuc flante vento, flamma feritur, totisque viribus regnaret incendium, adpropinquare ad aliam portam coepit, in qua beati Martini oratorium habebatur, qui ob hoc aliquando factum fuerat, eo quod ibi lepram maculosi homines osculo depulisset. Vir autem, qui eum intextis vircultis in sublime construxerat, confisus in Domino nec de beati Martini virtute diffisus, se resque suas infra eius parietis, ambiit, dicens: "Credo enim, et fides mea est, quod repellat ab hoc loco incendium qui sepius incendiis imperavit, et in loco leprosi hominis cutem, osculum medente, purgavit." Adpropinquante enim illuc incendium, ferebantur valedi globi flamarum, qui percucientes parietem oratrii, protenus tepecebant. Clamabat autem populus viro ac mulierum: "Fugite, miseri, ut evadere possetis. Ecce iam igneum pondus super vos diruit; ecce faville incendii cum carbonibus tamquam validus imber ad vos usque distenditur. Egrediemini ab oratrio, ne cum eodem incendio concremimini." Ad illi oracionem fundentes, numquam ab his vocibus movebantur. Sed nec mulier se umquam a fenestra, per quam interdum flamma ingrediebantur, amovet, que erat spe firmissima de virtute beati antestitis premunita.